

Lamp. 7

DALAM MAHKAMAH TINGGI MALAYA DI SHAH ALAM
DALAM NEGERI SELANGOR DARUL EHSAN
SAMAN PEMULA NO: MT-21-248-2010

Dalam perkara Aturan 7, Aturan 15 Kaedah 16 dan Aturan 28 Kaedah-Kaedah Mahkamah Tinggi 1980

DAN

Dalam perkara seksyen 41 Akta Spesifik Relif 1950

DAN

Dalam perkara Artikel-Artikel 4, 5 dan 8 Perlembagaan Persekutuan

DAN

Dalam perkara Konvensyen Untuk Menghapuskan Diskriminasi Dalam Semua Bentuk Terhadap Wanita 1979/81 ("convention on the Elimination of All Forms of Discrimination Against Women 1979/81") dan Akta Pekerjaan 1955

DAN

Dalam perkara penarikan balik dan/atau pembatalan lantikan Noorfadilla Binti Ahmad Saikin sebagai Guru Sandaran Tidak Terlatih

DAN

Dalam perkara permohonan untuk, antara lainnya, deklarasi dan gantirugi

ANTARA

NOORFADILLA BINTI AHMAD SAIKIN

... PLAINTIF

DAN

1. CHAYED BIN BASIRUN
2. ISMAIL BIN MUSA
3. DR HAJI ZAHRI BIN AZIZ
4. KETUA PENGARAH PELAJARAN MALAYSIA,
KEMENTERIAN PELAJARAN MALAYSIA
5. MENTERI PELAJARAN MALAYSIA,
KEMENTERIAN PELAJARAN MALAYSIA
6. KERAJAAN MALAYSIA

... DEFENDAN-
DEFENDAN

AFIDAVIT JAWAPAN DEFENDAN KEEMPAT, KELIMA DAN KEENAM

Saya, **TAN SRI DATO' HAJI ALIMUDDIN BIN HAJI MOHD DOM (No. K/P: [REDACTED])**, seorang warganegara Malaysia yang cukup umur dan beralamat di Pejabat [REDACTED] dengan sesungguhnya dan sebenarnya berikrar dan menyatakan seperti berikut:

1. Saya adalah Ketua Pengarah Pelajaran Malaysia dan telah diberi kuasa sepenuhnya untuk mengikrarkan Afidavit Jawapan ini untuk dan bagi pihak Defendan Keempat, Defendan Kelima dan Defendan Keenam dalam tindakan ini.
2. Segala fakta yang dideposkan di sini adalah benar dalam pengetahuan saya dan/atau melalui dokumen serta rekod-rekod yang ada dalam simpanan saya dan rekod yang akses diberi penuh kepada saya melainkan dinyatakan sebaliknya.
3. Saya memohon kepada Mahkamah yang Mulia ini untuk merujuk kepada Saman Pemula Plaintiff bertarikh 7.5.2010 ("Saman Pemula tersebut") dan Afidavit Sokongan Plaintiff oleh Noorfadilla binti Ahmad Saikin yang diikrarkan pada 6.5.2010 ("Afidavit Plaintiff tersebut").
4. Perenggan 1 Afidavit Plaintiff adalah diakui.
5. Saya merujuk kepada pengataan di Perenggan 2, 3, 4, 5, 6, 7, 8 dan 9 Afidavit Plaintiff dan sesungguhnya menyatakan bahawa:

- 5.1 Setakat mengakui bahawa Defendan Pertama, Defendan Kedua dan Defendan Ketiga adalah merupakan pegawai/pengkhidmat di bawah Defendan Keenam dan bertanggungjawab dalam perkara pengambilan calon Guru Sandaran Tidak Terlatih (GSTT) di Pejabat Pelajaran Daerah di Negeri Selangor khususnya di Pejabat Pelajaran Daerah Hulu Langat (PPDHL), lain-lain pengataan di Perenggan 2, 3 dan 4 Afidavit Plaintiff adalah dinafikan.
- 5.2 Setakat mengakui bahawa Defendan Keempat dan Defendan Kelima bertanggungjawab dalam mentadbir hal-hal pentadbiran berkaitan dengan pendidikan dan pelajaran di peringkat rendah dan menengah sekolah-sekolah di seluruh Malaysia, lain-lain pengataan di Perenggan 5 dan 6 Afidavit Plaintiff adalah dinafikan.
- 5.3 Perenggan 7, 8 dan 9 Afidavit Plaintiff tiada dalam pengetahuan Defendan Keempat, Defendan Kelima dan Defendan Keenam.
6. Mengenai pengataan di Perenggan 10, 11, 12, 13, 14, 15, 16, 17 dan 18 Afidavit Plaintiff, ianya adalah di luar pengetahuan saya.
7. Saya sesungguhnya percaya dan menyatakan bahawa Kementerian Pelajaran Malaysia telah mengeluarkan surat kelulusan (Waran) pengambilan dan perlantikan GSTT kepada semua Pengarah Pelajaran Negeri bagi mengatasi masalah kekurangan guru yang dihadapi oleh sekolah-sekolah di seluruh Malaysia. Pengambilan GSTT ini dibuat bagi mengisi kekosongan guru supaya proses pengajaran dan pembelajaran di sekolah-sekolah tidak terjejas.

Sesalinan contoh surat kelulusan Perlantikan GSTT (Waran) bagi tahun 2008 oleh Kementerian Pelajaran Malaysia ditunjukkan kepada saya dan dieksibitkan di sini sebagai “**Eksibit AMD-1**”.

8. Saya juga sesungguhnya percaya dan menyatakan bahawa pengambilan serta perlantikan GSTT adalah tertakluk kepada Pekeliling Perkhidmatan Kementerian Pelajaran Malaysia Bil.1/2007 dan kuasa melantik GSTT adalah kepada Pengarah Pelajaran Negeri.

Sesalinan Pekeliling Perkhidmatan Kementerian Pelajaran Malaysia Bil.1/2007 ditunjukkan kepada saya dan dieksibitkan di sini sebagai "**Eksibit AMD-2**".

9. Merujuk kepada keseluruhan pengataan di Perenggan 19 Afidavit Plaintiff, saya sesungguhnya percaya dan menyatakan seperti berikut:
- 9.1 Kementerian Pelajaran Malaysia telah memberikan maklumbalas melalui emel bertarikh 17.2.2009 kepada Encik Mohd Izwan bin Dato' Zakaria, suami kepada Plaintiff yang membuat aduan berhubung dengan tindakan Defendant Pertama dan Defendant Kedua menarik balik Memo Penempatan Plaintiff dan dakwaan diskriminasi terhadap calon wanita hamil yang tidak boleh dilantik ke jawatan GSTT;
- 9.2 Maklumbalas telah dikemukakan berpandukan kepada Pekeliling Perkhidmatan Kementerian Pelajaran Malaysia Bil.1/2007 (Pekeliling Bil. 1/2007) dan tertakluk kepada Kriteria Kelayakan Lantikan GSTT Sekolah Menengah yang digariskan oleh Jabatan Pelajaran Negeri Selangor;
- 9.3 Maklumbalas juga dibuat dengan mengambil kira fungsi dan tujuan utama GSTT dilantik, di mana pengambilan calon GSTT yang hamil dengan sendirinya akan mengecewakan tujuan (*defeat the purpose*) perlantikan GSTT tersebut.

10. Merujuk kepada keseluruhan pengataan di Perenggan 20 Afidavit Plaintiff, saya sesungguhnya percaya dan menyatakan seperti berikut:
 - 10.1 Pekeliling Bil. 1/2007 dibuat bertujuan untuk mengemaskini syarat-syarat perlantikan Guru-Guru Sandaran dan juga syarat-syarat perkhidmatan mereka;
 - 10.2 Perlantikan GSTT adalah diuruskan oleh Jabatan Pelajaran Negeri dan GSTT adalah bertaraf bukan kakitangan kerajaan. GSTT diambil dengan tujuan untuk mengisi kekosongan buat sementara waktu semasa ketiadaan guru tetap yang dilantik dan perlantikan mereka berdasarkan keperluan dari sebulan ke sebulan;
 - 10.3 Para 4.2.2 Pekeliling Bil. 1/2007 secara jelas memperuntukkan bahawa antara kemudahan-kemudahan yang tidak layak diperolehi oleh Guru Sandaran Terlatih (GST) dan Guru Sandaran Tidak Terlatih (GSTT) adalah cuti bersalin;
 - 10.4 Adalah menjadi satu dasar Kementerian Pelajaran Malaysia bahawa GST dan GSTT tidak layak mendapat cuti bersalin. Justeru itu, calon GSTT yang hamil tidak akan diterima ke jawatan GSTT;
 - 10.5 Ianya bertujuan untuk mengelakkan masalah penggantian guru dan demi mengutamakan pendidikan sempurna kepada murid-murid supaya proses pengajaran dan pembelajaran di sekolah tidak terganggu/terjejas akibat ketiadaan GSTT yang perlu cuti bersalin;
 - 10.6 Disamping itu, fungsi dan tujuan utama pengambilan GSTT dibuat adalah untuk mengatasi masalah kekurangan guru yang dihadapi oleh sekolah-sekolah di seluruh Malaysia;


- 10.7 Pekeling Bil. 1/2007 dibuat dengan mengambil kira kepentingan pendidikan sempurna kepada murid-murid dan tiada sebarang unsur diskriminasi atau pelanggaran polisi awam terlibat.
11. Merujuk kepada Perenggan 21, 22, 23, 24 dan 25 Afidavit Plaintiff, saya sesungguhnya percaya dan menyatakan seperti berikut:
- 11.1 Defendan Keempat tidak memberikan sebarang jawapan atau maklumbalas kepada surat yang dikemukakan oleh peguamcara Plaintiff tersebut kerana perkara ini masih dalam peringkat perbincangan;
- 11.2 Selanjutnya satu mesyuarat berkaitan perkara ini telah diaturkan oleh Unit Komunikasi Korporat, Kementerian Pelajaran Malaysia pada 10.3.2009;
- 11.3 Sesi mesyuarat diadakan khusus untuk berbincang dengan pengadu (suami Plaintiff) bersama Plaintiff dengan Kementerian Pelajaran Malaysia yang diwakili oleh Bahagian-Bahagian berkaitan termasuk wakil dari Jabatan Pelajaran Negeri Selangor, PPDHL dan Biro Pengaduan Awam, Jabatan Perdana Menteri;
- 11.4 Pengadu tidak hadir pada tarikh berkenaan. Sebaliknya, Plaintiff telah hadir dengan ditemani oleh tiga orang wanita lain yang mendesak untuk turut serta di dalam mesyuarat bagi memberikan sokongan moral kepada Plaintiff;
- 11.5 Memandangkan jemputan mesyuarat hanyalah kepada pengadu dan Plaintiff sahaja, maka ahli-ahli mesyuarat memutuskan untuk hanya berbincang dengan Plaintiff tanpa melibatkan tiga orang wanita berkenaan. Setelah pendirian ini dimaklumkan kepada Plaintiff, beliau memilih untuk

tidak menyertai mesyuarat tersebut atas nasihat ketiga-tiga orang wanita tersebut.

12. Merujuk kepada keseluruhan pengataan di Perenggan 26 Afidavit Plaintiff, saya sesungguhnya percaya dan menyatakan bahawa:
 - 12.1 Pengambilan dan perlantikan GSTT adalah dasar yang telah ditetapkan oleh Kementerian Pelajaran, iaitu bagi mengisi kekosongan jawatan guru di sekolah-sekolah sementara ketiadaan guru tetap berkenaan. Pengambilan dan perlantikan GSTT tersebut adalah merupakan satu tekad hasrat Kementerian Pelajaran agar sistem pengajaran dan pembelajaran di sekolah tidak terganggu apabila ketiadaan guru tetap berkenaan;
 - 12.2 Pewujudan GSTT serta pengemaskinian syarat-syarat lantikan dan perkhidmatan yang dibuat melalui Pekeliling Bil. 1/2007 adalah bagi membantu pentadbiran dan kepentingan perkhidmatan Jabatan yang berkenaan. Ianya tidak bersifat diskriminasi mahupun melanggar atau bercanggah dengan polisi awam, Perlembagaan Persekutuan dan undang-undang lain yang berkaitan.
13. Merujuk kepada Perenggan 26.9 Afidavit Plaintiff, saya juga sesungguhnya percaya dan menyatakan bahawa Plaintiff tidak berhak sama sekali terhadap apa-apa bayaran gantirugi mahupun pampasan daripada Defendant-Defendant kerana tiada sebarang pencabulan hak dilakukan ke atas Plaintiff dalam tindakan ini.
14. Saya juga menegaskan bahawa Plaintiff berpeluang dan boleh memohon semula GSTT selepas bersalin pada masa akan datang dengan syarat, beliau memenuhi keperluan dan kriteria yang telah ditetapkan Kementerian Pelajaran Malaysia.

15. Kecuali apa yang dinyatakan di dalam Afidavit Jawapan ini, saya menafikan pengataan-pengataan yang terkandung di dalam Afidavit Plaintiff seolah-olah ia disangkal setiap satunya secara khusus.
16. Saya sesungguhnya menyatakan bahawa Saman Pemula ini tidak mempunyai apa-apa merit dan adalah mengaibkan serta merupakan suatu penyalahgunaan proses mahkamah dan oleh itu saya dengan rendah diri memohon kepada Mahkamah yang Mulia ini supaya Saman Pemula ini ditolak dengan kos.

Diikrarkan oleh **TAN SRI DATO' HAJI ALIMUDDIN }
BIN HAJI MOHD DOM }
pada haribulan 14 OCT 2010 }
pada pukul 4.10 pagi / petang }
di *putrajaya* } Di hadapan saya,**



AFIDAVIT JAWAPAN DEFENDAN KEEMPAT, DEFENDAN KELIMA DAN DEFENDAN KEENAM ini difaikkan oleh Peguam Kanan Persekutuan yang mempunyai alamat penyampaian di Jabatan Peguam Negara, Bahagian Guaman, Aras 3, Blok C3, Parcel C, Pusat Pentadbiran Kerajaan Persekutuan, 62512 Putrajaya.

[Ruj: PN/SEL/HQ/SN/08(P)/54/2010]

DALAM MAHKAMAH TINGGI MALAYA DI SHAH ALAM
DALAM NEGERI SELANGOR DARUL EHSAN
SAMAN PEMULA NO: MT-21-248-2010

ANTARA

NOORFADILLA BINTI AHMAD SAIKIN

... PLAINTIF

DAN


1. CHAYED BIN BASIRUN
2. ISMAIL BIN MUSA
3. DR HAJI ZAHRI BIN AZIZ
4. KETUA PENGARAH PELAJARAN MALAYSIA,
KEMENTERIAN PELAJARAN MALAYSIA
5. MENTERI PELAJARAN MALAYSIA,
KEMENTERIAN PELAJARAN MALAYSIA
6. KERAJAAN MALAYSIA

... DEFENDAN-
DEFENDAN

SIJIL PERAKUAN EKSHIBIT

Saya dengan ini mengakui bahawa Eksibit berikut yang bertanda "Eksibit AMD-1" yang dirujuk di dalam Afidavit Jawapan Defendant Keempat, Defendant Kelima dan Defendant Keenam **TAN SRI DATO' HAJI ALIMUDDIN BIN HAJI MOHD DOM** diikrarkan di hadapan saya pada haribulan **14 OCT 2010** 2010.





KEMENTERIAN PELAJARAN MALAYSIA

(Ministry Of Education Malaysia)

BAHAGIAN SUMBER MANUSIA

(Human Resource Division)

ARAS 1 - 5, BLOK E12, KOMPLEKS KERAJAAN PARCEL E

PUSAT PENTADBIRAN KERAJAAN PERSEKUTUAN

62604 PUTRAJAYA


Telpon

+603-8884 6000 (Talian Umum)

Faks

+603-8888 6292

Laman web : <http://www.moe.gov.my>



Tuan,


Kelulusan Pelantikan Guru Sandaran Tidak Terlatih
Di Sekolah Menengah Kementerian Pelajaran Malaysia.Tahun 2008

Rujukan Kami : KP(PP) 0017/122/34/4 (72)

Tarikh : 17 Disember 2007

B
-T.P.B
AFNSDE

Kesada
Semua Pengarah Pelajaran Negeri



Tu/ti wazir
Tindakan
tuau.

R
KSPS


Dengan hormatnya saya adalah diarah merujuk kepada perkara di atas.

2. Dimaklumkan bahawa setelah dibuat penyelarasan data perjawatan tahun 2008 dan kedudukan pengisian dengan pelantikan baru, pertukaran dan persaraan, masih terdapat kekurangan guru-guru terlatih untuk mengisi kekosongan jawatan-jawatan di Sekolah Menengah Kementerian Pelajaran Malaysia.
3. Sehubungan dengan itu, bagi memastikan proses pengajaran dan pembelajaran tidak terjejas, Kementerian bersetuju untuk mengisi kekosongan ini dengan melantik Guru Sandaran Tidak Terlatih (GSTT).
4. Jumlah perjawatan mengikut negeri bagi tujuan pelantikan GSTT seperti di Lampiran A.

5. Dimaklumkan bahawa kuasa melantik GSTT adalah kepada Pengarah Pelajaran Negeri dan tidak boleh diturunkan kepada Pejabat Pelajaran Daerah/Bahagian.

6. Pelantikan GSTT adalah tertakluk kepada Pekeliling Perkhidmatan Kementerian Pelajaran Malaysia Bil.1/2007. Pihak tuan juga diminta mematuhi syarat-syarat berikut:

- i) Kelulusan ini hanya untuk sesi persekolahan tahun 2008 sahaja;
- ii) Calon-calon GSTT yang dilantik mestilah mempunyai kelayakan akademik yang bersesuaian dengan opsyen yang akan diajar;
- iii) Calon-calon GSTT lantikan Jabatan Pelajaran Negeri mesti memenuhi syarat-syarat kelayakan akademik yang ditetapkan. Pelantikan untuk calon yang tidak memenuhi syarat di bawah peraturan yang ditetapkan mesti mendapat kelulusan Kementerian terlebih dahulu;



- iv) Pihak tuan hendaklah mengambil kira pengisian GSTT ini setelah menguruskan penempatan penyandang ke jawatan naik pangkat dan jawatan yang berjawatan khas (over and above).
- v) Pelantikan GSTT ini tidak akan menjasarkan penempatan Guru Sandaran Terlatih yang akan datang. Kementerian akan terus membekalkan Guru-Guru Sandaran Terlatih pada bulan Mac, Jun dan September tahun 2008.
- vi) Pelantikan GSTT tidak melebihi jawatan yang diluluskan.
- vii) GSTT ini hendaklah ditamatkan pada 31 Disember 2008 atau pada tarikh yang lebih awal sekiranya perkhidmatan seseorang GSTT itu tidak diperlukan atau terdapat Guru Tetap/Guru Sandaran Terlatih yang dibekal dan akan mengisi kekosongan tersebut.

7. Adalah dimaklumkan bahawa pelantikan sebagai GSTT bukan jaminan untuk membolehkan/melayakkan mereka mengikuti Kursus Perguruan.

Sekian.

**"BERKHIDMAT UNTUK NEGARA"
"CINTAILAH BAHASA KITA"**

Saya yang menurut perintah,



(FARIDATUL AKMAR BINTI MAT TAIB)
Bahagian Sumber Manusia
b/p Ketua Setiausaha
Kementerian Pelajaran Malaysia

s.k:

Ketua Setiausaha
Kementerian Pelajaran Malaysia

Ketua Pengarah Pelajaran Malaysia

Timbalan-Timbalan Ketua Pengarah Pelajaran Malaysia

Pengarah
Bahagian Sekolah

Setiausaha
Bahagian Sumber Manusia

Setiausaha Bahagian
Bahagian Kewangan

DALAM MAHKAMAH TINGGI MALAYA DI SHAH ALAM
DALAM NEGERI SELANGOR DARUL EHSAN
SAMAN PEMULA NO: MT-21-248-2010

ANTARA

NOORFADILLA BINTI AHMAD SAIKIN

... PLAINTIF

DAN

1. CHAYED BIN BASIRUN
2. ISMAIL BIN MUSA
3. DR HAJI ZAHRI BIN AZIZ
4. KETUA PENGARAH PELAJARAN MALAYSIA,
KEMENTERIAN PELAJARAN MALAYSIA
5. MENTERI PELAJARAN MALAYSIA,
KEMENTERIAN PELAJARAN MALAYSIA
6. KERAJAAN MALAYSIA

... DEFENDAN-
DEFENDAN

SIJIL PERAKUAN EKSHIBIT

Saya dengan ini mengakui bahawa Eksibit berikut yang bertanda “Eksibit AMD-2” yang dirujuk di dalam Afidavit Jawapan Defendan Keempat, Defendan Kelima dan Defendan Keenam **TAN SRI DATO' HAJI ALIMUDDIN BIN HAJI MOHD DOM** diikrarkan di hadapan saya pada haribulan 14 OCT 2010 2010.





KEMENTERIAN PELAJARAN MALAYSIA

(Ministry Of Education Malaysia)

BAHAGIAN SUMBER MANUSIA

(Human Resource Division)

ARAS 1-5, BLOK E12, KOMPLEKS KERAJAAN PARCEL E

PUSAT PENTADBIRAN KERAJAAN PERSEKUTUAN

62604 PUTRAJAYA

Telpon : +603-8884 6000 (Talian D)

Faks : +603-8888 8282

Laman web : <http://www.moe.gov.my>

Rujukan Kami : KP(PP)0017/122/14 Jld.12/ (23)

Tarikh : 27 Februari 2007

Semua Ketua Bahagian

Semua Pengarah Pelajaran Negeri

Semua Pengarah Institut Pendidikan Guru

Ketua Pengarah Jabatan Pengurusan
Politeknik dan Kolej Komuniti,
Kementerian Pengajian Tinggi Malaysia

Tuan,

**SURAT PEKELILING PERKHIDMATAN KEMENTERIAN PELAJARAN
MALAYSIA BIL. 1 TAHUN 2007**

**Syarat-Syarat Pelantikan Serta Kemudahan-Kemudahan
Untuk Guru Sandaran**

1. Tujuan

1.1 Tujuan Surat Pekeling ini adalah untuk mengemaskinkan syarat-syarat pelantikan Guru-Guru Sandaran dan juga syarat-syarat perkhidmatan mereka.

2. Takrif

2.1 Guru Sandaran

2.1.1 Guru Sandaran adalah seseorang yang diambil bertugas sebagai guru di bawah Kementerian Pelajaran Malaysia (KPM) untuk sesuatu tempoh bagi mengisi kekosongan hakiki dan ianya belum lagi dilantik oleh Suruhanjaya Perkhidmatan Pelajaran sebagai Pegawai Perkhidmatan Pendidikan (PPP). Upahan yang diterima oleh seseorang Guru Sandaran adalah dalam bentuk eluan bulanan sahaia.

2.2 Guru Sandaran Terlatih

2.2.1 Seseorang Guru Sandaran Terlatih (GST) selain daripada memiliki kelayakan akademik yang diiktiraf oleh Kerajaan, mestilah juga mempunyai kelayakan Iktisas yang telah diiktiraf serta kelayakan Bahasa Malaysia. Pelantikan mereka adalah diuruskan oleh KPM khususnya Bahagian Sumber Manusia.

2.3 Guru Sandaran Tidak Terlatih

2.3.1 Seseorang Guru Sandaran Tidak Terlatih (GSTT) hanya memiliki kelayakan akademik dan kelayakan Bahasa Malaysia sahaja. Pelantikan mereka adalah diuruskan oleh Jabatan Pelajaran Negeri (JPN) atau Jabatan/Bahagian berkaitan seperti Bahagian Sumber Manusia, Jabatan Pendidikan Islam dan Moral dan Jabatan Pendidikan Khas, KPM dan Jabatan Pengajian Politeknik dan Kolej Komuniti, Kementerian Pengajian Tinggi Malaysia (KPTM).

3. Walaupun GST dan GSTT

3.1 GST dan GSTT adalah bertaraf bukan kakitangan kerajaan. Oleh yang demikian mereka tidak layak mendapat apa jua faedah atau kemudahan seperti yang diterima oleh guru-guru tetap kecuali kemudahan-kemudahan seperti yang tersebut di perenggan 4 di bawah.

3.2 Walaupun GST dan GSTT adalah tidak bertaraf kakitangan Kerajaan, mereka adalah sentiasa tertakluk kepada peraturan-peraturan yang ditetapkan oleh KPM/KPTM sebagai majikan mereka.

4. Elaun dan Kemudahan;

4.1 Elaun dan Kemudahan yang layak diterima oleh GST dan GSTT

- 4.1.1 Elaun bulanan berdasarkan tangga elauan yang diluluskan oleh Jawatankuasa Kabinet Gaji dan telah dilaksanakan melalui Pekeliling Perkhidmatan Bil. 4 Tahun 2002 dan pindaan-pindaan jika ada dari masa ke semasa;
- 4.1.2 Imbuhan Tetap Khidmat Awam atas kadar yang dinikmati oleh PPP yang setaraf di dalam Skim Perkhidmatan yang sama;
- 4.1.3 Elaun-elaun untuk mengatasi kos sara hidup yang tinggi di sesebuah negeri/daerah atau kadar yang sama dengan yang diterima oleh guru-guru tetap yang setaraf dengannya seperti berikut:-
- a) Elaun Penempatan Khas jika dihantar bertugas dari Semenanjung ke Sabah/Sarawak dan sebaliknya;
 - b) Elaun Wilayah di Sabah dan Sarawak bagi mereka yang berasal dari negeri tersebut;
 - c) Elaun Hidup Sementara bagi mereka yang bertugas di Bintulu, Sarawak.
 - d) Elaun Bantuan Sara Hidup (COLA)

- 4.1.4 Elaun-elaun dan lain-lain bayaran mengikut syarat peraturan di bawah Pekeliling Perkhidmatan Bil. 8/1980 dan padaan berkaitan apabila menjalankan tugas rasmi di luar kawasan ibu pejabat.
 - 4.1.5 Cuti Sakit di bawah Perintah Am 17 Bab C;
 - 4.1.6 Kemudahan Perubatan dan Pergigian, kelayakan dan wad di Hospital dan Klinik-Klinik Kerajaan atas syarat-syarat dan peraturan yang sama seperti guru-guru tetap yang setara;
 - 4.1.7 Elaun Subsidi Sewa Rumah (Rental Ceiling) bagi GST daripada Semenanjung yang dihantar bertugas ke Sabah dan Sarawak.
- 4.2 Kemudahan-Kemudahan yang tidak layak diperolehi oleh GST dan GSTT
 - 4.2.1 Rawatan Perubatan di Luar Negeri;
 - 4.2.2 Cuti Bersalin
 - 4.2.3 Pinjaman Perumahan/Kenderaan
 - 4.2.4 Lain-lain kemudahan/elaun yang tidak dipanjangkan kepada guru-guru sandaran oleh mana-mana Pekeliling.

5. Peraturan dan Syarat-syarat Pelantikan Guru Sandaran

5.1 Kuasa Melantik:

- 5.1.1 Bagi GST yang mempunyai kelayakan ikhtisas/perguruan dan guru-guru lepasan Institut Pendidikan Guru (IPG) yang sedang menunggu keputusan peperiksaan, kuasa melantik ialah KPM;

5.1.2 Bagi GSTT yang diambil dengan tujuan untuk mengisi kekosongan buat sementara waktu, ataupun pengambilan guru-guru Bahasa Ibunda di Sekolah-sekolah Rendah Jenis Kebangsaan Cina dan Tamil, pelantikan mereka diuruskan oleh Pengarah Pelajaran Negeri atau Ketua Jabatan berkaitan di KPM atau Ketua Pengarah Jabatan Pengajian Politeknik dan Kolej Komuniti, KPTM.

5.2 Syarat Pelantikan GSTT :

- 5.2.1 Warganegara Malaysia;
- 5.2.2 Umur tidak melebihi 35 tahun bagi siswazah dan 30 tahun bagi bukan siswazah;
- 5.2.3 Mempunyai kelayakan akademik yang diiktiraf;
- 5.2.4 Mempunyai kepujian Bahasa Malaysia di peringkat Sijil Pelajaran Malaysia (SPM) atau yang setaraf dengannya dan mendapat kepujian dalam tiga mata pelajaran lain;
- 5.2.5 Bagi lantikan guru-guru Agama, calon-calon hendaklah mempunyai kelulusan Bahasa Arab sekurang-kurangnya peringkat SPM, matapelajaran Agama Islam Tinggi ataupun IV Senawi.

5.3 Pengarah-Pengarah Pelajaran Negeri/Ketua Jabatan/Bahagian/Ketua Pengarah Jabatan Pengajian Politeknik dan Kolej Komuniti, KPTM hendaklah mendapatkan kebenaran KPM terlebih dahulu bagi kes-kes berikut:-

- 5.3.1 Bagi calon-calon yang mempunyai ijazah-ijazah dalam dan luar negeri yang belum diketahui nilai tarafnya;

- 5.3.2 Calon-calon yang telah melebihi syarat umur seperti di bawah;
- 5.3.3 Calon-calon yang tidak mempunyai syarat kepujian Bahasa Malaysia di peringkat SPM;
- 5.3.4 Calon-calon yang tidak mempunyai kelayakan Bahasa Arab diperangkat SPM bagi lantikan sebagai Guru Agama.

5.4 Pelantikan ke dalam Kategori GSTT yang lebih tinggi

Seseorang GSTT boleh dilantik kepada kategori yang lebih tinggi mengikut budibicara Pengarah Pelajaran Negeri/ Ketua Jabatan/Bahagian, KPM/Ketua Pengarah Jabatan Pengajian Politeknik dan Kolej Komuniti, KPTM masing-masing tertakluk kepada syarat berikut:-

- 5.4.1 Mempunyai kelayakan akademik yang setaraf dengan keperluan;
- 5.4.2 Ada kekosongan jawatan hakiki dalam negari berkenaan;
- 5.4.3 Perkhidmatannya adalah diperlukan.

Calon hendaklah ditawarkan jawatan yang lebih tinggi itu mengikut peraturan-peraturan yang telah ditetapkan dalam Pekeliling ini. Tarikh pelantikan ke kategori yang baru itu hendaklah berkuatkuasa pada tarikh beliau melaporkan diri untuk menjalankan tugas dalam kategori yang baru itu.

5.5 Pelantikan ke dalam Kategori GSTT lebih rendah

- 5.5.1 Seseorang calon juga ditawarkan dan dilantik ke dalam kategori yang lebih rendah daripada kelayakan yang diperolehi mengikut keperluan dan kepentingan perkhidmatan Jabatan yang berkenaan.

5.6 Penamatan Perkhidmatan GST Yang Gagal Dalam Peperiksaan Akhir Institut Pendidikan Guru

5.6.1 Seseorang Guru Sandaran lepasan Institut Pendidikan Guru (IPG) yang ditempatkan sebagai GST yang disahkan telah gagal dalam peperiksaan akhir IPG akan ditamatkan perkhidmatannya oleh KPM. Selanjutnya terpulang kepada budibicara Pengarah Pelajaran Negeri/Ketua Jabatan/Bahagian, KPM/Ketua Pengarah Jabatan Pengajian Politeknik dan Kolej Komuniti, KPTM untuk melantiknya sebagai GSTT jika perkhidmatannya masih diperlukan.

5.7 Penamatan Perkhidmatan GST yang gagal dalam Urusan Temuduga Lantikan tetap oleh Sunuhanjaya Perkhidmatan Pelajaran .

5.7.1 Seseorang GST yang gagal dalam temuduga untuk lantikan tetap yang diadakan oleh SPP akan ditamatkan perkhidmatannya. Ketua Jabatan adalah bertanggungjawab untuk melaporkan perkara ini kepada Bahagian Sumber Manusia, KPM.

6. Tempoh Perkhidmatan Guru-Guru Sandaran

6.1 Perkhidmatan GST adalah berdasarkan sebulan ke sebulan dan tamat dengan sendirinya apabila mereka dilantik ke jawatan tetap atau sementara dalam perkhidmatan pelajaran mengikut yang mana lebih awal.

6.2 Perkhidmatan GSTT adalah juga berdasarkan sebulan ke sebulan dan akan tamat pada 31 Disember tahun berkenaan atau ditamatkan pada bila-bila masa apabila perkhidmatan mereka tidak dikehendaki lagi oleh Jabatan Pelajaran Negeri/Jabatan/Bahagian berkenaan mengikut yang mana lebih berkaitan dengan kepentingan perkhidmatan.

6.3 Perkhidmatan GSTT yang mengisi kekosongan secara hakiki meneruskan perkhidmatannya sehingga ke akhir sesi persekolah pada setiap tahun, perkhidmatan mereka akan dilanjutkan sehingga 31 Disember tahun berkenaan.

7. Tarikh Pelantikan GST dan GSTT:

Tarikh pelantikan atau tarikh seseorang GST dan GSTT memegang jawatan ialah pada tarikh ianya melapor diri. Walau bagaimanapun Pengarah Pelajaran Negeri/Ketua Jabatan/Bahagian berkaitan, KPM dan Ketua Pengarah Jabatan Pengajian Politeknik dan Kolej Komuniti, KPTM boleh menentukan tarikh melapor diri seseorang GST dan GSTT mengikut budibicara dan kepentingan perkhidmatan Negeri/Jabatan/Bahagian berkenaan.

8. Kadar Elaun GST dan GSTT Siswazah/Lepasan Diploma Dan Bukan Siswazah

Jadual Gaji Baru (Tarikh Kuatkuasa: 1.11.2002)
Pekeliling Perkhidmatan Bilangan 4 Tahun 2002
Sistem Saraan Malaysia

Bil.	Kelayakan	Gred Gaji	Tangga Elaun
1.	Ijazah Kepujian	DC41	T5 RM 1653.73 – T10 RM 2046.98
2.	Ijazah Am	DC41	T3 RM 1496.43 – T10 RM 2046.98
3.	Kursus Perguruan Lepasan Diploma (Diploma Biasa/ Diploma KUITTHO) <small>- diploma profesional</small>	DB29	T1 RM 1172.97 – T6 RM 1433.12
4.	Kursus Perguruan Lepasan Diploma (Diploma Profesional)	DBA29	T1 RM 1225.00 – T5 RM 1485.15
5.	Diploma Perguruan Malaysia (Kursus Diploma Perguruan Malaysia/ Sijil Tinggi Pelajaran Malaysia)	DB27	T1 RM 963.64 – T7 RM 1283.08
6.	Sijil Pelajaran Malaysia	DB17	T1 RM 656.30 – T7 RM 895.88

9. Kenaikan/Tarikh Kenaikan Elaun:

9.1 GST dan GSTT boleh menerima kenaikan elaun atas tangga elaun yang telah ditetapkan dalam Pekeliling ini mengikut kategori masing-masing pada ulangtahun genap perkhidmatan mereka dan berdasarkan kepada tarikh pergerakan elaun yang ditentukan dibawah Pekeliling Perkhidmatan Bil.4 Tahun 2002 Sistem Saran Malaysia.

•16/51 08 6615
9.2 Tarikh kenaikan elaun seseorang GST dan GSTT ialah ulangtahun genap perkhidmatannya dalam satu-satu jawatan dikira seperti berikut:-

a) Bagi seseorang Guru Sandaran yang perkhidmatannya ditamatkan pada sesuatu tarikh sebelum 31 Disember, kemudian diambil berkhidmat semula dalam tahun berikutnya, maka tempoh perkhidmatannya yang lepas hendaklah diambilkira bagi menentukan tarikh kenaikan elaun tahunannya setelah perkhidmatannya mencukupi satu tahun, dengan mengikut tarikh kenaikan gaji yang terhampir berdasarkan Pekeliling.

10. Pertukaran Guru Sandaran

10.1 GST boleh dikehendaki bertukar dari satu negeri ke satu negeri yang lain, tertakluk kepada kelulusan dari Bahagian Sekolah-sekolah/ Jabatan Pendidikan Islam Dan Moral/ Jabatan Pendidikan Khas/ Jabatan Pendidikan Teknikal KPM atau Ketua Pengarah Jabatan Pengajian Politeknik dan Kolej Komuniti, KPTM dan perkhidmatan mereka adalah dianggap bersambung.

10.2 GSTT tidak boleh dilukar keluar dari negeri asal mereka dilantik oleh kerana tujuan asal mereka dilantik adalah untuk memenuhi keperluan di negeri itu sahaja. Sekiranya mereka meletakkan jawatan dan kembali dilantik semula oleh mana-mana JPN/Ketua Jabatan berkaitan, maka ini hendaklah dianggap sebagai satu pelantikan yang baru dan perkhidmatannya yang lepas tidak boleh diambilkira untuk sebarang tujuan.

11. Kursus Dalam Cuti

GSTT yang telah dipilih oleh Bahagian Pendidikan Guru/Jabatan berkaitan untuk mengikuti Latihan Iktisas Perguruan Kursus Dalam Cuti adalah tidak dikehendaki meletak jawatan mereka kecuali apabila mengikuti kursus di semester terakhir (kursus sepenuh masa). Ini bererti perkhidmatan mereka di negeri berkenaan adalah berterusan dan elaun bulanan terus dibayar oleh JPN. Selanjutnya elaun/biasiswa semasa mengikuti kursus sepenuh masa akan diuruskan oleh Bahagian Pendidikan Guru atau KPTM di mana berkaitan.

12. Disiplin

12.1 Semua GST dan GSTT adalah tertakluk kepada peraturan-peraturan disiplin yang sama yang telah ditetapkan untuk PPP. Sebarang perlanggaran terhadap peraturan-peraturan itu hendaklah dilaporkan kepada Unit Tatatertib, Bahagian Sumber Manusia, KPM melalui Ketua Jabatan masing-masing.

13. Surat Tawaran

13.1 Surat tawaran GSTT seperti di Lampiran 'A' adalah digunakan di dalam urusan pelantikan GSTT berkenaan.

14. Pembatalan Surat Pekeliling Perkhidmatan Kementerian Pelajaran Malaysia Bil. 1 Tahun 1987

14.1 Dengan tersiarinya Surat Pekeliling ini, Surat Pekeliling Perkhidmatan, KPM Bil 1 Tahun 1987 adalah dibatalkan.

15. Tarikh Kuatkuasa Surat Pekeliling

15.1 Tarikh kuatkuasa Surat Pekeliling ini adalah pada tarikh ianya dikeluarkan.

Sekian

" BERKHIDMAT UNTUK NEGARA "
" CINTAILAH BAHASA KITA "

Saya yang menurut perintah,


(HAJI KAMARUZAMAN BIN YAACOB)
Bahagian Sumber Manusia
b.p: Ketua Setiausaha
Kementerian Pelajaran Malaysia.